

六字诗词名句唯美

1.
水落溪流浅浅，寺秋山霭苍苍。树色尤含残雨，钟声远带斜阳。——张仲素《山寺秋斋》
2.
老忆夷门老将，当年许我忘年。博学似刘子政，清诗如孟浩然。——黄庭坚《和东坡送仲天贶王元直六言韵五首》
3.
鹤外竹声簌簌，座边松影疏疏。夜静不收棋局，日高犹卧纱厨。——文天祥《山中六言三首》
4.
河桥酒旆风软，候馆梅花雪娇。宛陵楼上瞪目，我郎何处情饶。绣领任垂蓬髻，丁香闲结春梢。剩肯新年归否，江南绿草迢迢。——杜牧《代人寄远六言二首》
5.
从洛到许巍巍。曹公忧国无私。减去厨膳甘肥。羣僚率从祁祁。虽得俸禄常饥。念我苦寒心悲。——孔融《六言诗》
6.
香烟触帘不散，灯焰无风自摇。独倚蒲团寂寂，忽闻山雨萧萧。——陆游《六言》
7.
生涯一九节筇，老境五十六翁。不堪上补黼黻，但可归教儿童。——黄庭坚《次韵石七三六言七首》

8.
平陆莽为巨浸，晴空变作漏天。明朝是小暑节，重霉必大有年。——刘克庄《久雨六言四首》

9.
亲戚自有情话，来往都无杂言。酒熟径须相报，文成聊与细论。——范成大《题请息斋六言》

10.
竹簟高人睡觉，水亭野客狂登。帘外熏风燕语，庭前绿树蝉鸣。——李白《夏景》

11.
不惜人扶难拜，非关我醉欲眠。劳君敬枯木耳，恐汝见湿灰焉。——范成大《题请息斋六言》

12.
功名正恐不免，富贵酷非所须。铁马未平辽碣，钓船且醉江湖。——陆游《六言》

13.
风细飞花相逐，林深啼鸟移时。客至旋开新茗，僧归未拾残棋。——陆游《六言》

14.
园丁以时白事，山客终日相陪。竹比平安报到，花依次第折来。——范成大《题请息斋六言》

15.
有饭那思肉味，安居敢厌茅茨。未论颜渊陋巷，老农自是吾师。——陆游《感事六言》

16.
种竹可侔千户，拥书不假百城。何必思之烂熟，热官无用分明。——陈

与义《六言二首》

17.

退士自应客少，幽居不厌椽低。未说盘堆玉脍，且看白捣金虀。——陆游《夏日六言》

18.

溪涨清风拂面，月落繁星满天。数只船横浦口，一声笛起山前。——陆游《夏日六言》

19.

饮酒方桥夜月，钓鱼画舫秋风。冉冉荷香不断，悠悠水面无穷。——苏轼《答文与可以六言诗相示因道济南事作十首》

20.

李白嶽崎历落，嵇康潦倒粗疏。生世当行所乐，巢山喜遂吾初。——陆游《感事六言》

21.

豪士以妾换马，耕农卖剑买牛。我看浮名似梦，却贪山水闲游。——陆游《六言》

22.

昨夜西风忽转，惊看雁度平林。诗兴正当幽寂，推敲韵落寒砧。——李白《秋景》

23.

烟雨湖光软漾，空濛山色生奇。忆自段家桥水，流连不觉遄飞。——韦应物《烟雨》

24.

壮岁京华羁旅，暮年湖海清狂。勿倚新知可乐，笑中白刃如霜。——陆游《六言》

25.

峡束天围渐小，林穿日脚微明。竹居有径谁扫，水碓无人自鸣。——黄复之《题扇面六言》

26.

山下孤烟远村，天边独树高原。一瓢颜回陋巷，五柳先生对门。——王维《幽居》

27.

家住白云山北，路迷碧水桥东。短发潇潇暮雨，长襟落落秋风。——杜牧《山行》

28.

青草池边草色，飞猿岭上猿声。万里湘江客到，有风有雨人行。——王建《江南》

29.

惠崇烟雨芦雁，坐我潇湘洞庭。欲买扁舟归去，故人云是丹青。——苏轼《惠崇芦雁》

30.

白云千里万里，明月前溪后溪。惆怅长沙谪去，江潭芳草萋萋。——刘长卿《感怀》

31.

莫赋涧松郁郁，但吟陂麦青青。为妇读刘伶传，教儿书甯戚经。——陈与义《六言二首》

32.

清风初号地籁，明月自写天容。贫家何以娱客？但知抹月批风。——苏轼《和何长官六言次韵五首》

33.

不慕生为柱国，何须死向扬州。但愿此身无病，天台剡县闲游。——陆

游《六言》

34.

桃红复含宿雨，柳绿更带春烟。花落家童未扫，莺啼山客尤眠。——王维《春眠》

35.

心事数径白发，生涯一片青山。空山有雪相待，野路无人自还。——李煜《开元乐》

36.

佳句近参风雅，微词间发离骚。窃欲比君庾信，莫年诗赋尤高。——苏轼《答文与可以六言诗相示因道济南事作十首》

37.

醉面贪承夕露，钓竿喜近秋风。借问孤舟何处，深入芙蓉浦中。——陆游《夏日六言》

本文链接：<https://duanjuziku.com/duanjuzi/ejc6afeuok.html>